



Na osnovu člana 34. stav (4) Zakona o izvršenju Budžeta Hercegovačko-neretvanskog kantona za 2024.godine („Službene novine HNK“, broj 3/2024) i Odluke o usvajanju Programa utroška novčanih sredstava utvrđenih Budžetom HNK za 2024. godinu za Ministarstvo poljoprivrede, šumarstva i vodoprivrede s pozicije „Namjenska sredstva od naknada prikupljenih po osnovu prenamjene poljoprivrednog zemljišta“ broj: 01-1-02-1268/24 od 23.05.2024. godine, Ministarstvo poljoprivrede, šumarstva i vodoprivrede objavljuje

JAVNI POZIV

za dostavu projektnih prijedloga za uređenje i zaštitu poljoprivrednog zemljišta

I.

(Predmet Javnog poziva)

Predmet Javnog poziva je dostava projektnih prijedloga za uređenje i zaštitu poljoprivrednog zemljišta na području Hercegovačko-neretvanskog kantona u skladu sa Strategijom ruralnog razvoja HNK 2021.-2027.godina i Programom utroška novčanih sredstava utvrđenih Budžetom HNK za 2024. godinu za Ministarstvo poljoprivrede, šumarstva i vodoprivrede s pozicije „Namjenska sredstva od naknada prikupljenih po osnovu prenamjene poljoprivrednog zemljišta“.

Projektne prijedloge po ovom Javnom pozivu mogu podnositi:

I.1. Jedinice lokalne samouprave,

I.2. Fizička i pravna lica.

II.

(Cilj Javnog poziva)

Cilj Javnog poziva je sufinansiranje projekata koji će pomoći ostvarenju Strateškog cilja 2. (SC2.) Osiguranje održivog upravljanja prirodnim resursima i prilagođavanje klimatskim promjenama-Prioritet 2.1. Održivo upravljanje zemljištem iz Strategije ruralnog razvoja HNK 2021.-2027.

Tlo je jedan od osnovnih prirodnih resursa, koji se zbog dugotrajnog procesa nastanka, može smatrati skoro neobnovljivim resursom. Zbog prirodnih ograničenja prostor HNK ima na raspolaganju oskudne količine obradivog poljoprivrednog zemljišta, te je održivo upravljanje ovim ograničenim dobrom jedan od prioriteta daljnjeg razvoja Kantona. Prioritet održivo upravljanje zemljištem ima za cilj unaprijediti racionalno korištenje, očuvanje i obnovu zemljišta, povećanje površina poljoprivrednog zemljišta i njegovog proizvodnog potencijala.

U okviru strateškog cilja 2. Osiguranje održivog upravljanja prirodnim resursima i prilagođavanje klimatskim promjenama-Prioritet 2.1. Održivo upravljanje zemljištem iz Strategije ruralnog razvoja HNK 2021.-2027.godine, između ostalih definirane su i sljedeće mjere:

1.1.2. Zaštita poljoprivrednog zemljišta i unaprjeđenje iskoristivosti II i III agrozone;

1.1.3. Komasaacija poljoprivrednog zemljišta.

III.

(Raspored sredstava, pravo sudjelovanja i dokumentacija za sudjelovanje)

Sredstva iz tačke I Javnog poziva raspodjeljuju se na sljedeći način:

- Za realizaciju projektnih prijedloga iz tačke I.1. „Jedinice lokalne samouprave“ iznos od 798.000,00 KM (slovima: sedamstotinadevedesetosamhiljada KM).
- Za realizaciju projektnih prijedloga iz tačke I.2. „Fizička i pravna lica“ iznos od 550.000,00 KM (slovima: petstotinapedesethiljada KM).

IV

Projektni prijedlozi pod tačkom I.1. „Jedinice lokalne samouprave“

Predmet Javnog poziva pod ovom tačkom je dostava projektnih prijedloga vezanih za sufinansiranje sljedećih mjera uređenja i zaštite poljoprivrednog zemljišta koje mogu podnijeti jedinice lokalne samouprave, a koji su od interesa za nju:

1. Izrada projektne dokumentacije za postupak komasacije poljoprivrednog zemljišta;
2. Izrada projektne dokumentacije za projekte navodnjavanja većih poljoprivrednih površina odnosno za veći broj korisnika za navodnjavanje poljoprivrednih površina;
3. Izgradnja poljskih puteva radi olakšanog pristupa poljoprivrednim površinama koje za poljoprivrednu proizvodnju koristi veći broj poljoprivrednih proizvođača upisanih u RPG/RK;
4. Izgradnja mreže za odvodnju vode sa poljoprivrednih površina koje su sezonski poplavljene;
5. Čišćenje postojećih kanala za navodnjavanje i stavljanje u funkciju;
6. Izgradnja nasipa za odbranu od poplava;
7. Krčenje i čišćenje poljoprivrednog zemljišta (II i III agrozona) koje je uvršteno u Program gospodarenja poljoprivrednim zemljištem u državnom vlasništvu jedinice lokalne samouprave radi privođenja svrsi poljoprivredne proizvodnje.

Pravo sudjelovanja: Imaju jedinice lokalne samouprave sa područja Hercegovačko-neratvanskog kantona.

Kriteriji vrednovanja:

- 1) Projekti koji se odnose na poljoprivredno zemljište u većinskom državnom vlasništvu(20- 30 bodova)
- 2) Projekti koji se odnose na poljoprivredno zemljište u većinskom privatnom vlasništvu(10- 20 bodova)
- 3) Projekti koji su u toku realizacije.....(15-20 bodova)
- 4) Projekti koji su u pripremljivoj fazi.....(10-15 bodova)
- 5) Projekti koji imaju veći stepen vlastitog učešća.....(20-30 bodova)
- 6) Projekti od značaja za dvije ili više jedinica lokalne samouprave..... (15-20 bodova)
- 7) Održivost-projektni prijedlog jasno odražava kako će biti održiv nakon završetka..... (10 bodova) .

Ako pri ocjenjivanju projekta broj ostvarenih bodova bude 50 i manje bodova, prijava će biti odbačena.

Cilj projekta : Cilj ovih mjera je da se realizacijom projekata osiguraju bolji preduslovi za intenzivniju primarnu poljoprivrednu proizvodnju tokom cijele godine, podigne upotrebna

vrijednost poljoprivrednog zemljišta, a mjere proizvedu učinak na što veći broj poljoprivrednih proizvođača na području jedinice lokalne samouprave.

V

Projektni prijedlozi pod tačkom I.2. „Fizička i pravna lica“

Predmet Javnog poziva pod ovom tačkom je dostava projektnih prijedloga vezanih za sufinansiranje sljedećih mjera uređenja i zaštite poljoprivrednog zemljišta koje mogu podnijeti fizička i pravna lica:

AGROTEHNIČKE MJERE:

- Krčenje i čišćenje zapuštenog poljoprivrednog zemljišta;
- Nivelacija poljoprivrednog zemljišta;
- Formiranje terasa na nagnutim terenima poljoprivrednih površina;
- Održavanje plodnosti tla (mineralna i organska gnojidba).

HIDROTEHNIČKE MJERE:

- Navodnjavanje poljoprivrednog zemljišta (nabavka pumpe, izgradnja bušotine, izgradnja akumulacije)
- Odvodnja suvišne vode sa poljoprivrednih površina (izgradnja kanala, čišćenje kanala, drenaže i sl.)

Pravo sudjelovanja: imaju fizička i pravna lica koja imaju sjedište/prebivalište u Hercegovačko-neretvanskom kantonu, a upisani su u Registar poljoprivrednih gazdinstava/Registar clijenata najmanje 12 mjeseci prije objave Javnog poziva i bave se poljoprivrednom proizvodnjom na području HNK.

Obavezna dokumentacija koja se prilaže uz zahtjev je:

- a) dokaz o pravu korištenja zemljišta: ZK izvadak/katastarsko knjižni uložak/ ugovor o zakupu ili ugovor o koncesiji zemljišta u državnom vlasništvu, a u slučaju suvlasništva rješenje o nasljeđivanju i ovjerene izjave suvlasnika da daju saglasnost da jedan od suvlasnika može podnijeti zahtjev;
- b) kopiju katastarskog plana s označenom parcelom koja će se uređivati, a koja ne može biti manja od 0,5 ha za pravna lica i 0,3 ha za fizička lica (izuzev za agrotehničku mjeru “ održavanje plodnosti tla (mineralna i organska gnojidba”) gdje je minimalna površina 0,1 ha za fizička lica);
- c) idejni projekat predloženih mjera zaštite i uređenja poljoprivrednih zemljišta sa cijenom troškova izvođenja radova ;
- d) uvjerenje o izmirenju poreznih obaveza podnosioca zahtjeva, ne starije od 30 dana (samo za pravna lica) ;
- e) dokaz o upisu u Registar poljoprivrednih gazdinstava/Registar clijenata;

g) podnosilac zahtjeva – pravna osoba prilaže bilans stanja i bilans uspjeha, izvod iz sudskog registra i potvrdu Uprave za indirektno oporezivanje BiH o podmirenim obvezama.

Kriterije bodovanja (Prilog 1.) po kojima će se vršiti bodovanje pristiglih prijava pravnih i fizičkih lica po Javnom pozivu sastavni su dio ovog Javnog poziva.

Najveći broj bodova koji se može ostvariti za projekat zaštite i uređenja zemljišta je 100 bodova. Ako pri ocjenjivanju projekta broj ostvarenih bodova bude 50 i manje bodova, prijava će biti odbačena.

Pravna i fizička lica imaju pravo po ovom Javnom pozivu kandidovati najviše jedan projekat.

Napomena:

*Ugovor o zakupu ili ugovor o koncesiji zemljišta u državnom vlasništvu mora biti zaključen u skladu sa odredbama Zakona o poljoprivrednom zemljištu ("Službene novine FBiH", broj 52/09) , odnosno u skladu sa odredbama Zakona o poljoprivrednom zemljištu HNK ("Službene novine HNK", broj 8/13 i 9/21), izuzev za podnosiocce na području Grada Mostara.

** Predmet uređenja može biti i zapušteno zemljište koje nije upisano u evidenciju RPG, ali nakon uređenja i privođenja svrsi za poljoprivrednu proizvodnju mora u narednoj godini biti evidentirano u RPG-u , u protivnom sredstva odobrena za uređenje takvog zemljišta biti će predmet zahtjeva za povrat.

Poljoprivredno zemljište koje bude uređeno u skladu sa mjerama po ovom Javnom pozivu mora se koristiti za poljoprivrednu proizvodnju najmanje pet narednih godina, što će biti predmet kontrole od strane Ministarstva.

Cilj provedbe agrotehničkih i hidrotehničkih mjera je da se podigne upotrebna vrijednost zemljišta, stepen uređenosti za kvalitetnu obradu poljoprivrednog zemljišta, stepen navodnjavanja i odvodnjavanja, osiguraju uslovi za specijaliziranu intenzivnu poljoprivrednu proizvodnju, spriječi dalji gubitak poljoprivrednog zemljišta erozijom, te osigura održavanje plodnosti tla pravilnom upotrebom gnojiva .

VI. Visina sredstava

Korisnik može ostvariti novčana sredstva u maksimalnom iznosu do 50% od predračunske vrijednosti po projektu, s tim što za pravna lica maksimalni iznos odobrenih sredstava po projektu je do 10.000,00 KM, a za fizička lica do 5.000,00 KM.

Visina novčanih sredstava iz stava (1) srazmjerno će se smanjiti ako ukupni zahtjevi za dodjelu sredstava prelaze raspoloživa sredstva.

VII. Vrednovanje prijava (zahtjeva)

Vrednovanje dostavljenih prijava (zahtjeva) vršit će stručna komisija koju će posebnim rješenjem imenovati Ministar poljoprivrede, šumarstva i vodoprivrede HNK.

Kod odabira projekata uređenja i zaštite poljoprivrednog zemljišta koji će se sufinansirati sredstvima iz ovog Programa, prvenstvo će imati projekti koji budu kandidovani s područja jedinice lokalne samouprave s čijeg područja su prikupljena veća sredstva.

VIII. Rok za podnošenje prijava

Rok za podnošenje prijava po ovom Javnom pozivu je 15 dana od dana objave u „Dnevnom avazu“ i „Večernjem listu“.

IX. Rok završetka projekta

Korisnik novčanih sredstava dužan je završiti poslove po projektu i o tome obavijestiti Ministarstvo najkasnije do 31.12.2024.godine podnošenjem Obrasca br.3. koji je sastavni dio ovog Javnog poziva.

Ukoliko poslovi po projektu ne budu završeni u roku iz stava (1) prenose se u narednu godinu.

Napomena:

*Za agrotehničku mjeru "Održavanje plodnosti tla (mineralna i organska gnojidba)" zbog specifičnosti mjere, uzevši u obzir period kada se ovaj Javni poziv provodi, uvažiti će se nabavka gnojiva koja je izvršena prije raspisivanja Javnog poziva, uz uslov da je izvršena u 2024.godini i u skladu sa procjenom stručne komisije.

**Ministarstvo ne snosi nikakve troškove u postupku prikupljanja i podnošenja prijava po ovom Javnom pozivu, te zadržava pravo prihvatiti ili odbiti prijavu (zahtjev), odgoditi realizaciju podrške i pri tome ne snosi bilo kakvu obavezu prema podnosiocima prijava (zahtjeva), ali je dužno obrazložiti razloge takve odluke.

***Sva navedena dokumenta, dostavljaju se u originalu ili ovjerenim fotokopijama.

Ministarstvo nema obavezu povrata dostavljene dokumentacije. Nepotpune i neblagovremene prijave (zahtjevi) neće se uzeti u razmatranje.

Tekst Javnog poziva objavit će se na web stranici Ministarstva www.mpsv-hnz-k.ba i na **web stranici Vlade HNK.**

****Prijave (zahtjevi) na Javni poziv (Obrazac 1. i Obrazac 2. koji su sastavni dio ovog Javnog poziva), sa navedenom dokumentacijom, dostavljaju se u zapečaćenim kovertama lično ili putem pošte na adresu:

Bosna i Hercegovina
Federacija Bosne i Hercegovine
Hercegovačko-neretvanska županija/ kanton
Ministarstvo poljoprivrede, šumarstva i vodoprivrede HNŽ/K
Komisija za provođenje postupka po Javnom pozivu
Ul. Hrvatske mladeži b.b. Mostar,

sa naznakom „Prijava na Javni poziv za dodjelu sredstava u svrhu uređenja i zaštite poljoprivrednog zemljišta- Projektni prijedlozi pod tačkom I.1. „Jedinice lokalne samouprave“ - ne otvarati ” .

a za fizička i pravna lica

Bosna i Hercegovina
Federacija Bosne i Hercegovine
Hercegovačko-neretvanska županija/ kanton
Ministarstvo poljoprivrede, šumarstva i vodoprivrede HNŽ/K
Komisija za provođenje postupka po Javnom pozivu
Ul. Hrvatske mladeži b.b. Mostar,

sa naznakom „Prijava na Javni poziv za dodjelu sredstava u svrhu uređenja i zaštite poljoprivrednog zemljišta- Projektni prijedlozi pod tačkom I.2. „Fizička i pravna lica“ - ne otvarati ” .

X.

(Završne odredbe)

S korisnicima sredstava koji ispune uslove i kriterije za dodjelu sredstava iz Javnog poziva, Ministarstvo poljoprivrede, šumarstva i vodoprivrede HNK zaključit će ugovor o međusobnim pravima i obavezama.

Korisnici sredstava kojima budu odobrena sredstva obavezni su Ministarstvu poljoprivrede, šumarstva i vodoprivrede HNK dostaviti Izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.

Informacije vezane za Javni natječaj mogu se dobiti svakim radnim danom u periodu od 9,00 do 11,00 sati na tel:+ 387 (0) 36 445-929; 36 445-928 i 36 445-920.

Broj: 07-20-496-4/24

Datum,30.05 .2024. godine

